



Газет 2001-й илан
ноябрдилай акъатзава

Эренлардин СЕС

РД - дин Докъузпара райондин общественно-политический газет.
Общественно-политическая газета Докузпаринского района РД.

№36 (810) 6-Сентябрь, арбе, 2017-йис. Почтамтдай зур йисан къимет - 226 манат

Сессиядал «Докъузпара район» МО-дин Къил хяна

31-августдиз Докъузпара райондин администрациядин заседанийрин залда райондин Собранидин депутатрин нубатдин сессия киле фена. Сессиядин къвалахда РД-дин хуьруьн майишатдин ва суьрсетдин министр Керимхан Абасова, Къиблепатан округда РД-дин Къилин патай тамам ихтиярар ганвай векил Энрик Муслимова, Докъузпара райондин прокурор Мисбагъ Назирова, Россиядин МВД-дин межмуниципальный «Ахтынский» отделдин начальник Малик Агъмедова, райондин Собранидин депутатрин председатель А. Агъмедова, райондин Собранидин вири депутатри, РД-дин Къил Р. Абдулатипован къарардалди тайинарнавай, муниципальный райондин къилин къуллугъдал кандидатар хягъунин рекъай тир комиссиядин членри, гъакъни райондин идарайринни тешкилатрин жавабдар къуллугъчийри иштиракна.

Арадал гъайи махсус комиссияди алай йисан 9-августдилай 28-августдалди кье кандидатдин арада конкурс киле тухвана. Сечкийра иштиракун патал документар вуганвайбур Алискеров



Абдурагъим Мирзежанович ва Субгъанвердиев Абдул Гъажиевич тир.

Конкурсдин комиссиядин член Мавлид Маликова сессиядал къватл хъанвайбур конкурсдин негъайрихъ галаз танишанра, кандидатрин гъакъиндай фикирар лагъана. Абуруз виридаз хъсан патахъай къимет ганвай. Кандидатрикай райондин къил хягъунин месэла райсобранидин депутатри гъялна. Сечкийрин гъакъиндай тир вири къанунар вилив хвена, рейсавдилелди сесер гуналди Докъузпара райондин Собранидин депутатри «Докъузпара район» МО-

дин къуллугъдал Абдурагъим Мирзежанович Алискеров хяна.

Райсобранидин председатель А.Агъмедова «Докъузпара район» МО-дин Къил хягъунин гъакъиндай тир къарар тесстикъарайдалай къулухъ Абдурагъим Алискероваз сессиядин иштиракчийри цийи къуллугъ тебрикна.

Вичин нубатда Абдурагъим Алискерова сессиядин иштиракчийриз, конкурсдин комиссиядиз, атанвай мугъманриз члехи ва жавабдар къуллугъ ихтибар авунай сагърай лагъана.



Малум хъайивал, чкадин самоуправленидин органрин кваллахрин 2016-йисан нетижайриз килигна Докъузпара районди РД-дин дагълух районрин арада 2-чка

къунва. Сессиядал 2-чка къунин диплом ва РД-дин къилин Грант цийиз хкъанавай райондин къилив РД-дин хуьруьн майишатдин ва суьрсетдин министр Керимхан

Абасова вахкана ва тебрикдин гафар лагъана.

Куругъли ФЕРЗАЛИЕВ



РЕСПУБЛИКА ДАГЕСТАН
МУНИЦИПАЛЬНОЕ ОБРАЗОВАНИЕ
«ДОКУЗПАРИНСКИЙ РАЙОН»
СОБРАНИЕ ДЕПУТАТОВ МУНИЦИПАЛЬНОГО РАЙОНА

№17-1

от 31. 08. 2017 г.

РЕШЕНИЕ
17-ОЙ СЕССИИ СОБРАНИЯ ДЕПУТАТОВ МУНИЦИПАЛЬНОГО
ОБРАЗОВАНИЯ 6 СОЗЫВА

«Об избрании главы муниципального образования «Докузпаринский район»

В соответствии с Федеральным законом от 06.10.2003 N 131-ФЗ «Об общих принципах организации местного самоуправления в Российской Федерации», частью 2 статьи 28 Устава муниципального образования «Докузпаринский район», результатами конкурса по отбору кандидатур на должность главы муниципального образования «Докузпаринский район», Собрание

депутатов муниципального района

РЕШАЕТ:

1. Избрать Главой муниципального образования «Докузпаринский район» из числа кандидатов, представленных конкурсной комиссией по результатам конкурса, АЛИСКЕРОВА АБДУРАГИМА МИРЗЕЖАНОВИЧА.
2. Главе муниципального

образования «Докузпаринский район» опубликовать настоящее решение в районной газете «Голос Эренлара» и разместить на официальном сайте муниципального района в сети «Интернет».

3. Настоящее решение вступает в силу со дня его принятия.

Председатель районного
Собрания: А.И. АХМЕДОВ

Совещание къиле фена



Агъмедова, райондин прокурор М. Назирова, райадминистрациядин къилин заместителри, идарайринни тешкилатрин жавабдар къуллугъчийри, хуьрерин мектебрин директорри ва масабур уштиракна.

Совещание райондин Къил Абдурагъим Алискерова ачухна. Вилик акъвазнавай месэляяр ихътинбур тир:

1. Налогрин гъакъиндай планар тамамаруникай ва чилер, квалер актуализация авунин

4-сентябрди Докъузпара райондин заседанийрин залда «Докъузпара район» МО-дин къил Абдурагъим Алискерова гегъенш совещание къиле тухвана. Адан кваллахда райсобранидин депутатрин председатель А.





гъакъиндай (2017-йисан 3-квартал).

2. М у н и ц и п а л ь н ы й къуллугъар авунин къайдайрин гъакъиндай.

3. Азадвилинни намусдин гъакъиндай тир къанундихъ галаз танишарун.

4. Зегъметдин низам (дисциплина) ва администрациядин дараматдин къаравулвилин режим.

5. Жуъреба-жуъре месэляяр. Совещанидин къвалах райондин Кьил А. Алискерова РД-дин печатдинни информациядин министерстводин патай райондин «Эренлардин сес» газетдин къуллугъчийрив: газетдин кьилин

редактор Э.Гъажигевовав, жавабдар секретарь А. Эмирсултановав, кьилин бухгалтер Р. Сулеймановав, секретарь-референт А. Сулеймановадив, корреспондент К.Ферзалиевав активдаказ, гъакъисагдаказ къвалах авунай Гъуьрметдин грамотаяр вахкунилай башламиш хъана.

Гуьгъуьнлай йикъан совещанидал алай важиблу месэляяр веревирдна ва талукъ ксариз А. Алискерова кьилдин тапшуругъар гана.

Кьилди къачуртла, сад лагъай месэладай райондин экономикадин отделдин начальник Гъ. Асварова

доклад авуна. Муниципальный къуллугърин гъакъиндай райондин кьилин заместитель С. Гъажимурадова ихтилатна. Пуд лагъай месэладай райондин кьилин заместитель Къ. Мегъединова иштиракчияр гъавурдик кутуна.

Нубатдин совещанидин къвалах жуъреба-жуъре месэляяр веревирд авуналди акъалтла.

Куругъли ФЕРЗАЛИЕВ

3 сентября – День солидарности в борьбе с терроризмом

Террордин аксина женг

Россияда 3-сентябрдин югъ терроризмдин аксина женг тухудай рейсавилин югъ яз къейдзава. И рикел хуьдай вакъиа 2005-йисуз Федеральный законди Бесланда кьиле феи мусибатдин вакъияйриз килигна тайинарна. Ана, 1 лагъай мектебда теракт кьиле фейила, 300 кас, абурукай яз 150 аял къенай. 3-сентябрдин юкьуз Буденовскда, Дубровкада, Буйнаксда, Волгодонскда гунагъсуз къурбандар хъайи ксар рикел хкизва, чи обществодин вири къуватар гила терроризмдин аксина женг тухузвай мягъкем къалхандиз элкьуьрзава. Уяхвал, чи гъар садан уяхвал ва дикъет, обществодин вири къуватар саналди желб тахъанмаз ва тавунмаз, ислягъ яшайишдикай фикир авун гъеле фад я.



Терроризмдин къурхулувал Виридуьньядин сергъятрани гегъенш хъанва. Адан аксина акъвазун гъар са диндин векицидай вахтунни истемипшзава. Кьилинди, ам арадал тагъунин ва татунин

терефдарар хъана кланда. И рекъе инсаниятди талукъ серенжемар кьиле тухузва. Россиядин роль ва авторитет и рекъе лап кьилинди ва дережалуди яз амуькьзава.

Чи корр.

Сифте зенгинин шадвилер

Усугъчай

(Репортаж)



Ингье, акуна-такуна гадни акъатна, школьникрин каникуларни кутягъ хъана. Гъа икI, Чирвилерин, 1-сентябрдин югъни алукуна. Малум тирвал, и юкьуз чи улкведин вири школайра чирвилерин югъ къейдзава. Адет тирвал, цIийи кIелунин йисан вилик гъар са чкада мектебар рангни экв алаз, амай вири дараматрикай хкатна аквада. 1-сентябрдиз сятдин муъжуьд жез мукъва, рекъяйтIуз Усугъчайдин СОШ галай патахъ, цIийи либасар алаз, чина хъуьруьн аваз, гъилера цуькверин кIунчIар къуна аялар, абурун диде-бубаяр, муаллимар физ рекъе авай. И юкьуз улкведин вири школайра хъиз, Усугъчайдин юкьван школадинни ракIарар ачухна. Школадин дараматдин къецепатан, къенепатан ремонтдин кIвалахар къиле тухвана кутягнавай. Киреждай асуннавай цIариз, лацу хъана экв аватнава, полриз ширер янава. Дугъриданни, хъанвай дегишвилери гзаф гуьрчег къамат къалурзавай. Сифте зенгинин югъ винидихъ тIвар къунвай Усугъчайдин юкьван мектебдин ачух гъаятдал шадвилерин гъалда къаршиламишзавай. Мугъманар яз и мярекатда Республика Дагъустандин хуьруьн майишатдин ва суьрсетдин министр К.Абасова, «Докъузпара район» МО-дин Къил

А . А л и с к е р о в а , райадминистрациядин къилин заместитель Салигъ Гъажимурадова ва образованиедин управлениедин начальник Гъ.Шагъвеледова штиракъзавай. Суварин мярекат



къиле физвай майдандал сифте гаф гъаз Усугъчайдин юкьван школадин директордин заместитель, тешкилатчи Саяд Амирагъмедова экъечIна, ада виридаз сувар мубаракна, аялриз хуш келимайрин гафар лагъана. Адет хъанвайвал, гаф школадин директор Тажидин Аразоваз гана. Ада кIватI хъанвайбуруз къаршида гъатнавай къве суварни мубаракна. Вичин рахунра ада къейд авурвал, къенин мектебдин йикъан месъэла-гъар са аялдин алакьунрин ва акьулдин

мумкинвилер ачухарун я. Абуру дуьз тербияламишун ва абурукай улкве ва вичин хайи хуьр патал хийирлу инсанар гъазурун я. Эхирдай ада мектебдиз къвезвай аялривай школьный формаляр алукулун тIалабна, мярекатдиз атанвай мугъманриз чухсагъулни лагъана. Ахпа гаф меркездай хтанвай Республика Дагъустандин хуьруьн майишатдин ва суьрсетдин министр К.Абасоваз гана. Ада вичин патай ва республикадин Къил Р.Абдулатипован патай и чирвилерин Югъ рикIин сидкъидай мубаракна. Ада муаллимариз чпин кIвалахдин рекъяй мадни еке агалкъунар хъун, чандин сагъвал хъун алхшна. Чирвилерин югъ Къурбанд суварал гъалтуниз килигна, министрди вичин патай,

садакъа яз, мектебдин умуьрдиз сифте яз кам къачунвай аялриз жуьреба - жуьре ширинлухар, мектебдиз вичин патай пишкеш яз, спортивный инвентарь къачун паталди яхIурни цIуд агъзур манат пулни гана. Гуьгъуьнлай мектебдин аялрин адресдиз хуш келимайрин гафар гъаз образованиедин управлениедин начальник Гъ.Шагъвеледов, «Докъузпара



район» МО-дин Кьил А.Алискеров, райадминистрациядин кьилин заместитель Салигь Гьажимурадов экъечІна, рахана. Ахпа майдан мектебдиз сифте кам къачур аялрин гьиле гьатна. Абуру урус чІалалди ширирар кІелна, манияр тамамарна.

Инал малум хьайивал, цІийи кІелунин йисуз 25 аялди мектебдиз сифте яз кам къачунва. Акуна-такуна зенг ядай вахтни хьана. Зенг ядай ихтияр 11- классдин ученик А.Багъироваз ва 1-классдин ученица А.Исламовадиз гана. Сифте

зенгинин сесиник кваз аялар мектебдиз гьахьна ва гьар са классдин аялри чпин чкаярни кьуна.

Вадим АГЪАМУРАДОВ

ЦІийи-Каракуьре

(Репортаж)

1-сентябрь. И югъ кьве суварин йикъарал ачалтна. Къурбанд суварни Чирвилерин Югъ саналди кьейдзавайвал хьана. Гъаваяр серин хьана, зулу вич алукуьунин лишанар гузвайтІани, аялрин диле-бубайрин гуьгьуьлар кьумбар тир. ЦІийи гинибашар, пек-партал тандал алай бишди аялар, гьилера цуькверин кІунчІарни аваз, ЦІийи Каракуьредин СОШ-дин гегьенш гьаятдиз гьахьзавай. Ина суварин шадлухдай сузикадин ванер цаварик хкІазвай. Сятдин кІуьдаз цІийи кІелунин йисаз талукъарнавай мярекат и мектебдин завуч-тешкилатчи З. Атлуханова ачухна. Ада кІватІ хьанвайбуруз винидихъ кьейд авунвайвал, кьве суварни мубаркна.

Ахпа и школадин дирктор П.Р. Рамазанова алатай кІелунин йисан хьсан нетижар рекІел хкана. Кьилди къачуртІа,- кьейдна ада,- алатай кІелунин йисуз ОГЭ ва ЕГЭ вахкай аялрикай, чи выпускникрикай, 11- класс акьалтІарай 6 аялди ва 9 класс акьалтІарай 8 касди чи уьлкведин вузра ва колледжра кІелун давамарзава... Мярекатда и ш т и р а к з а в а й райадминитсрациядин патай векилзавай А. Агьмедова, «ЦІийи Кара-Куьре» муниципальный тешкилатдин Кьил Г. Парванаева, тІвар кьунвай мектебдин завуч М.Ш. Сулеймановади, аялрин уьмуьрда кьетІен тир ЦІийи кІелунин йис абуруз рикІин

сидкьидай тебрикна, агалкьунрин алхишар авуна. ЦІийи - Каракуьредин СОШ-дин сирейрихъ цинин йисуз 27 аялди сифте яз чкаяр кьада. Абурухъ галаз сифтегьан классрин суаллимар тир Закиева Ифрiza ва Зербалиева Сабинади кІвалахдайвал я. Шадвилини линейкадал сифте классдиз гьахьзавай аялри школадин уьмуьрдиз талукъ ширирар кІелна, манияр тамамарна. 11- классдин ученик Мугъулов Алибега хкажна кьунвай 1- классдиз гьахьзавай Атлуханова Нурияди куркурдин сифте зенгинин ван кутуна. Гъа икІ цІийи кІелунин йисан сифте югъ башламишна.

Шагьбала ШАГЪБАЛАЕВ

Къалажух

(Репортаж)

1-сентябрдин экуьнахъ чирвилерин Югъ Докъузпара райондин Къалажухрин хуьруьн мектебдани шад гьалара кьейдна. Мектебдин майдандал муаллимар, аялар, диде-бубаяр кІватІ хьанвай. Эвелимжи зенг сифте яз партадихъ ацукъзавай аялар патал иллаки рикІел аламуькьдай вакъиа я. Шадвал квай аялар жерге-жерге хьана акъвазнавай.

Тебрикдин гафар мектебдин директор Ирван Мусаева лагъана.

Муаллимриз, ученикриз цІийи кІелунин йис мубаракунихъ галаз



сад яз, мектебдин директорди муаллимриз, аялриз кІелунра, кІвалахда агалкьунар тІалабна.

Мярекатдал мадни хейлинбур тебрикдин гафар рахана: райондин администрациядин патай атанвай векил, «ЭС» газетдин кьилин

редактор Э. Гьажибегов, мектебдин завуч А. Эвленов, математикадин муаллим М.Эюбов ва масабур.

Аялрини ширирар кІелуналди, манияр т а м а р у н а л д и иштиракна. Гуьгьуьнлай 1-классдиз гьахьзавай аялрикай сада сифте зенгинин ван акьудна.

Къуй цІийи кІелдай йис гьам ученикар, гьам муаллимар патал агалкьунринди, бегьерлуди хьурай!

Чи мухбир

Тиряк квай затIарикай жуван уьмуьр хуьх!

Наркомания инсаниятдин уьмуьрда гзаф йисарин вахтунда, белбахтвилерин себебрикай сад яз ама. Эхиримжи виш йисан кьене наркоманиядихъ галаз активныйдаказ женг тухуз чалишмиш жезва. 1909-йисалай Россияди ва генани 13 гьукуматди сад хьана, наркотикрихъ галаз женг тухудай комиссия тешкилна. Амма хьсан нетижаяр арадал атанач. Кьенин юкьуз чаз аквазвайвал, наркотикри кьил хкажна, инсанрин арада гьахьна, жегьил чанар, хизанар вири общество тергдай йикъал гьанва.

1987-йисуз ООН-дин Генеральный Ассамблеяди 26-июнь наркотикрихъ галаз женг тухудай югъ яз кьарар кьабулна. Адахъ галаз женг тухунин кар ва алакьяр мягкьем хьун патал ООН-ди, вири дуьньядин халкьариз эвер ганай.

Кьенин юкьуз Россияда наркотикар ишлемишзавайбурун кьадар 5,99 млн инсандив агакьнава. Статистикадин делири кьалурзавайвал, абурун арадай яз 20% школьникар, 60% жегьилар ва 20% яшар чIехибур я.

Алай заманада кьезвай несилдиз яшамаш хьун гзаф четин я. Уьмуьрдин дад, пис-хьсан тийижир, дуьнья такунвай жегьилар наркоманиядин лукIвиле жезва. Абурук хизандикай бейкеф хьанвай, диде-бубадикай магьрум веледар акатзава. Яшайишдин жележгдикай фикир тийизвай, тIуьн гзаф хьана кьизмиш хьанвай, наркотикриз маилзавай жегьиларни тIимил туш.

Алай девирдин жегьилри, ерибине набататар тир (анаша, гашиш, марихуана) наркотикрилай гьейри, синтетикадин (героин, опий, морфий) кар гзаф гудай наркотикарни ишлемишзава. Са кьадар яшар хьанвай инсанарни абурун арада авачиз туш.

Экспертри лугьузвайвал гьар са наркоманди вич авай гелез 13-15 инсан гьиз алакьзава. Бейгьушар ишлемишун себеб яз эхиримжи йисара кьиникьрин кьадар 12 сеферда гзаф хьанва, аялрин арада – 42 сеферда.



Алай аямда бейгьушдин заваллу кардикай гзафбуруз хабар ава. Амма ам ишлемишзавайбуруз са таьсирни ийизвач.

Наркотикар, ибур инсандин органар ва вири клеткаяр харапIзавай зегьерлу шейэр я. Ам ишлемишиз сифте башламишай инсанди адан агьуламиш таьсирдин кар гьиссдач. Анжах са шумуд сеферда ишлемишайла, инсандиз вичин гьалар зайиф хьайиди аквада. Хасаратвилер инсандин беденда яваш-яваш кIватI жезва. Амма и вахтунда наркомандивай вичин хушуналди и кIвалахдикай кьерех жез алакьдач, адан беден ва психика ададай аслу жезва. Эгер наркоманди бейгьуш санал гзаф кьадарда ишлемишиз хьайитIа ам кьиникьал кьведа. Гьар гьикI хьайитIани, бейгьуш ишлемишзавай инсанар кьвердавай гзаф жезва.

Эгер наркомандин ивидик бейгьуш тахьаназ, адан гуьгьуьлар чIур жеда, шадвал амуькдач, психикадиз пис эсер жезва. Наркомандиз инсанвилин лайихлувилер амуькдач, бейгьуш акун патал кьастунал кIеви тушиз, гьар са алчавилин кьуьруькьрихъ галаз рази яз жеда.

Наркотикрилай аслубурун, дуьньядиз килигунин тегьер ва яшайишдин жуьре дегиш жеда. Абур кIвалахрикай кьил хкудиз, хизандихъ галаз кьалриз экьечIа. Наркоман авай хизандай пул ва кьимет авай шейэр квахьиз башламишда. Наркотикар кьачудай пул авачиз ам, а кIвалахар авуниз мажбур жезва.

Инсандин чандиз бейгьушди

еке зарар гузва. Сифте нубатда бейгьушди кьилин мефтI ва нервный система харапIзава. Неврный клеткаяр терг хьуниз килигна, наркоман, кьвердавай сефигьдиз элкьезва.

Гьар гьи бейгьуш хьайитIани, инсандин бедендиз ам зегьерлу я. Ивидик какахьай гьар са агьу, чIулав лекьини вичел кьачуна, ам михьи ийизва. Гьавиляй, кьвед лагьай нубатда, лекь харапI жезва. Идалай алава яз, наркоманри чпин чанни хуьзвач, гзаф вахтара уртах шприцар ишлемишзава. Гьа и жуьреда гзаф азарар (гепатит, СПИД ва мсб.) садакай масадак акатзава.

Наркотикри рикIиз пис таьсирзава. Гьавиляй, ам ишлемишзавай инсанар кIвалахдайла фад галатда, абурун нефес дар жеда. Гьа ихьтин кьуватсуз рикI авай инсанди, саналди гзаф бейгьуш ишлемишпаз, ам уьмуьрдивай жеда.

Бейгьушди тIуьн цIурурдай гьал кьайдадикай хкудзава, чIулав лекьини белок арадал гьунин кIвалах энгеларзава. Гьавиляй, абурун яваш хьана, гьалдай аватна, сарар ва чIарар авахьиз вахт тахьанмаз кьуьзуь жезва. Гзаф наркоманрин уьмуьр куьруьди жезва.

Наркотикар ишлемишзавай инсандин акунар агьадихъ ганвай гафарал лишанлу жеда. Месела, вилин кьенер яру жеда, рахадайла чIал яваш жеда, чина ранг жедач, пата-патахъ кьекьведа, акьулдиз кьери жеда, гуьгьуьлар фад дегиш жеда, гежелди ахварал тефиз жеда, тафаватсузвал хкаж жеда, бедендал рапарин гелер жеда, кIвалай ва школадай экьечIиз куьчейриз фида ва мсб.

Чакай гьар сад чандиз зарар гузвай шейэрикай абурун жергедай яз, пIапIрус, ички, наркотикар ва маса-маса зегьерривай яргьа хьана, сагьламликай фикирна кIанда. И дуьньяда Аллагьди гузвайди чаз са чан я. Гьавиляй, ам хвена, адакай менфят хкудна, уьмуьр дуьз рекье аваз тухвана кIанда!

Вадим АГЪАМУРАДОВ

Ислам ва дяве

Исламдин ва чара гьукуматрин арада сад-садахъ галаз авай рафтарвилериз, гьеле фадамаз Мединадин девирдихъ галаз алакьа авайтлани, амма ислягьвилини ва дяведин жигьетдай тир исламдин доктрина, Аббасидрин вахтунда исламдин юристри (*факъигьри*) туйкIуьрнава. А доктринадин са бязи лишанар жигьаддихъ, ислягьвилини икьраррихъ, хатасузвилихъ галаз алакьалу умуми фетвайра ва гьакI «хараж» (*чилини налук*), я туштIа «сияр» (*биография, кьисаяр*) ва гьа ибуруз ухшар маса кьилдин терминра ачалтзава.

Мусурманрин юристрин зегьметрин бинеда, дяве малумарунини ва ам кьиле тухунин барадай тир кьайдаяр ва асул фикирар ава. Абури исламдин гьукуматдиз амай гьукуматрихъ галаз авай тайин тир алакьаяр бинеда кьуна кьенвайбури тир.

Алатай йисара «жигьад» лугьудай термин, гзаф вахтара дяведин кьуват ишлемишун кьалурзавай гаф тир. Кьурьандин бязи аятра «жигьад», «дяве» гафунин манада аваз кьейднава, амма адаз генани гегьенш мана гузва. «Жигьад» терминдикай «меккадин» аятра раханва (мана): «*Вуж чалишмиши жезватIа, ам вич патал чалишмиши жезва. Гьакьикьатда, Аллагь дуьньяйриз муьгьтеж туш*» («аль-Анкабут» сура, 6-аят) ва (мана): «*Чун патал чалишмиши хьайибур – Чна Чи*

рекьерай тухуда. Гьакьикьатда, Аллагь гьелбетда, хьсанвал ийизвайбурун даях я» («аль-Анкабут» сура, 69-аят) ва генани (мана): «*Динсузриз муьтIуьгь жемир (абурун динрал гьалтайла) ва абурухъ галаз адалди (Кьурьандин куьмекдал) чIехи женг твах*» («аль-Фуркьан» сура, 52-аят).

И аятар мусурманриз женг тухудай ихтияр гудалди, фадамаз ракуьрнавайбури тир. «Меккадин» вахтунда «жигьад» термин, Аллагьдин рекьел ислягьвилелди женг тухуниз ишлемишна. Ни «жигьад» авуртлани, ада ам вичин руьгь кьутармишун патал ийидай. И аятри мусурманриз сабурулу хьун патал ва Исламдин гьакьикьат вьезралди ва инандирмишунин такьатар ишлемишуникди чукурун патал эвер гузва. Жигьаддин методологиядик зулумкарвилизи ва азабар гуниз ислягьвилелди акси акьвазун акатзава. Эгер умуми шартIари гьа и кьайда мусурманрин жемьт макьсаддив агакьзавай хьсан рехъ яз кьалурзаватIа.

Ислягьвилихъ ва дяведихъ галаз алакьалу юкьван асиррин доктрина, са бязи гьечIи дегишвилер аваз виш йисара ишлемишна. Гьайиф хьи, адахъ чIехи кимивилер ва бине яз акьвазнавай исламдин дибриз аксвилер авайтлани, а доктринадин асул лишанриз мад килиг хьувунач.

Сифте нубатда ам, доктрина туйкIуьрай девирда авай сиясатдин

гьаларихъ галаз ва адалай кьулухъ, Исламдин тарихда вине хьайи рекьерихъ галаз алакьалу я.

Кьейднавай доктринада дяведин ва ислягьвилини асул фикирар 3 аятдал ва са гьадисдал бинеламиш хьанва (мана): «*Абурухъ галаз женг твах, та темягь фин алатдалди, амма (вири) дин Аллагьдинди я. Эгер абур акьваз хьайитIа, гьахьсузбурулай гьейри амайбурухъ галаз мидявал авач*» («аль-Бакьара» сура, 193-аят).

Мана: «*Кьадагьа алай варцар акьалтI хьайидалай кьулухъ, мажусияр гьина жагьайтIани терг ая, абур есирвиле элкьурна яхъ, гьар са чинебан чкада абурун рехъ атIумтI! Эгер абур Исламдихъ элкьвенватIа, канI авунватIа... абурун рехъ азад ая: бес Аллагь – гьил кьачудай, мергьяматлуди я эхир!*» («ат-Тауба» сура, 5-аят).

Мана: «*Аллагьдихъ ва Кьияматдин йикьахъ инанмиши тушир, Аллагьди ва Адан Расулди кьадагьа эцигнавайдал кьадагьа эциг тийизвай ва гьакьикьи диндиз муьтIуьгь тушир Кьхьинар атанвайбурухъ галаз женг чIугу, та абур алчах хьана чтин гьилеривди харж гудалди*» («ат-Тауба» сура, 29-аят).

КьатIама

Али-гьажн ЭМИРСУЛТАНОВ

Уважаемые жители Докузпаринского района!

В виду начавшегося охотничьего сезона заранее извещаем Вас о необходимости соблюдения правил пограничного режима в пограничной зоне при осуществлении Вами промысловой деятельности!

Жителям населенных пунктов входящих в пятикилометровую полосу местности вдоль линии государственной границы а именно; н.п. Каракюре, Каладжух, Микрах-

казмаляр и Куруш, для получения разрешения на промысловую деятельность (охоту), необходимо обратится в пограничный орган с заявлением установленного образца с приложением копии лицензии из Министерства природных ресурсов на отстрел определенного вида животных или птиц. Разрешения рассматривается и выдается в течении пяти рабочих дней.

Лица зарегистрированные за

пределами пятикилометровой полосы местности вдоль линии государственной границы РФ (т.е. не в н.п. Каракюре, Каладжух, Микрах-казмаляр и Куруш), кроме разрешения должны получить еще и пропуск предоставляющие право для прохода (въезда), временного



пребывания и передвижения в пятикилометровой полосе местности вдоль линии государственной границы РФ.

Для получения пропуска Вам так же необходимо обратиться в пограничный орган заявлением (с приложением копии паспорта и лицензии на отстрел определенного вида животных или птиц). Срок рассмотрения заявления на получения пропуска до одного месяца для граждан РФ и до двух месяцев для иностранных граждан.

При проведении непосредственно промысловой деятельности (охота), Вам необходимо иметь с собой документы удостоверяющие личность (паспорт), разрешение дающее право на ведение промысловой деятельности (охоты) установленного образца, лицензию

на добычу определенного вида животных или птиц и разрешения на имеющее у Вас оружие.

Лица нарушившие правила пограничного режима будут привлечены к административной ответственности по ст.18.2 КоАП РФ. (Предупреждение либо административный штраф в размере от 500 до 1000 рублей).

Д о п о л н и т е л ь н у ю информацию Вы можете получить в администрации по месту проживания или по телефону: 8-964-007-82-08.

Заранее благодарим за законопослушность и оказание содействия в соблюдении правил пограничного режима!

С уважением руководство
отделения в н.п. Калер.

Халкъдин яшайишдин гьалар кӀевера ва дарда твазвай, абурун игътияжриз дуьзгунвилелди килиг тийизвай, закондин истемешунриз яб тагана чпин кӀвалахар ва къуллугъ идара ийизвай гьакимар гьукуматдин аппаратда гьеле кьери туш. Эгер са гьихьтин ятӀани идарада куьн кимивилерал расалмиш жез, абуру пулар тӀалабиз хьайитӀа, чаз газетдин работникриз хабар це. Чун куь тереф хуьн патал гьар са дуьшуьшда кьаришмиш жеда ва чӀуру кӀвалахриз рехь тагунин карда гьахьвили даяхар яз акъвазда. И мураддалди чна, вири уьлкведа хьиз, “горячая линия” кардик кутазва. ТӀалабзава чаз чарар кхьин (къуларни чӀугуна).

Чи редакция Тел: (8 269) 2-23-45

“Докъузпара район” муниципальный тешкилатдин Кьил
А.М.Алискерова

ИШРЕФ АГЪБАЛАЕВ

рагьметдиз финихь галаз алакьалу яз, рагьметлудан хизандиз, вири багьрийриз башсагьлугьвал гузва.

«Эренлардин сес» газетдин редакциядин коллективди

ИШРЕФ АГЪБАЛАЕВ

рагьметдиз финихь галаз алакьалу яз, адан хизандиз ва вири багьрийриз башсагьлугьвал гузва.

Образованидин управленидин коллективдин патай

ИШРЕФ АГЪБАЛАЕВ

кечмиш хьунихь галаз алакьалу яз башсагьлугьвал гузва.

Каракуьредин юкьван школадин муаллимрин коллективди

ИШРЕФ АГЪБАЛАЕВ

рагьметдиз финихь галаз алакьалу яз, вири мукьва-кьилийриз башсагьлугьвал гузва.

«ГОЛОС ЭРЕНЛАРА»

2001-йисан
ноябрдилаь акъатзава

Тешкилайди:

Докъузпара райондин
администрация,
Дагъустан Республика

Учредитель:

Администрация Докъузпаринского
района, Республика Дагестан

Кьилин редактор:

Э.А.ГЪАЖИБЕКОВ

Жавабдар секретарь:

А.Э. ЭМИРСУЛТАНОВ

Хуси корреспондентар:

Ш.О. ШАГЪБАЛАЕВ

К.Н.ФЕРЗАЛИЕВ

В.С.АГЪАМУРАДОВ

З.Э. МЕДЖИДОВА

Корректор:

Ш. ШАГЪБАЛАЕВ

Верстка авурди:

А.Э. ЭМИРСУЛТАНОВ

Чандиз вахкай вахт: 14:00

Чапзавай вахт - 17:00

Тираж 1200

Редакциядинни макъалайрин авторрин фикирар сад тахьун мужкин я. Макъалайрин делилрин дуьзвилини патяхъай жаваб авторри чни гуда. Макъалайриз рецензия гузвач ва абур элкьвена вахкузвач. Мадни, чпин макъалайра дегешвилер тунал, кьилер дегешарунал рази тушир мухбиривай чна абур редакциядиз ракъур тавун тӀалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докъузпара
район, Усугъчай хуьр,
тел.8 (8269) 22-345
e-mail:

gadzhibekov77@mail.ru
Наи сайт: www.erenlar.ru